



KEMENTERIAN WILAYAH PERSEKUTUAN
Blok 1 & Blok 2, Menara Seri Wilayah, Presint 2, 62100 Putrajaya
Tel: 03-8000 8000 Faks: 03-8889 7957
Laman web: www.kwp.gov.my

SIARAN MEDIA

UNTUK LIPUTAN MEDIA MASSA

PROGRAM PENINGKATAN EKONOMI UNTUK KOMUNITI PPR DAN PA DBKL

KUALA LUMPUR, 3 Ogos 2019 – Kementerian Wilayah Persekutuan dengan kerjasama Dewan Bandaraya Kuala Lumpur (DBKL) dan Yayasan Wilayah Persekutuan (YWP) hari ini melaksanakan Program Peningkatan Ekonomi untuk komuniti Projek Perumahan Rakyat (PPR) dan Perumahan Awam (PA) DBKL. Program ini memberi peluang kepada golongan B40 untuk menjadi usahawan khususnya dalam kalangan komuniti PPR dan PA di WP Kuala Lumpur.

Objektif program ini memfokuskan perkongsian ilmu pengetahuan dan kemahiran untuk membolehkan komuniti PPR dan PA DBKL mempunyai kemahiran yang seterusnya boleh menjana pendapatan tambahan. Program yang julung kali diadakan ini mensasarkan golongan miskin B40 serta asnaf yang menetap di PPR Desa Tun Razak, PPR Ayer Panas, PPR Beringin, PPR Batu Muda serta PPR Muhibbah khususnya kepada mereka yang tidak mempunyai pekerjaan. Melalui kemahiran ini akan membolehkan mereka keluar daripada masalah ketiadaan sumber kewangan dan seterusnya dapat menampung keperluan kehidupan termasuklah pembayaran sewa rumah PPR dan PA DBKL.

Kementerian, DBKL dan YWP akan terus melatih komuniti PPR dan PA di WP Kuala Lumpur yang berminat untuk menghasilkan produk-produk “*homebased*” untuk

diketengahkan sebagai salah satu produk buah tangan kepada para pelancong disamping untuk kegunaan persendirian. Program ini akan diteruskan pelaksanaanya ke semua komuniti di PPR dan PA bagi membolehkan rakyat menyertai dengan lebih mudah di kawasan penempatan masing-masing. Ini sekali gus dapat membantu mengubah struktur ekonomi golongan B40, suri rumah serta mereka yang masih tidak mempunyai pekerjaan untuk menjana pendapatan tambahan keluarga.

Disediakan oleh:

**Bahagian Komunikasi Korporat
Kementerian Wilayah Persekutuan
3 Ogos 2019**